

در - معادته باب عالی جاده - سده
 دائرة مخصوصه در
 محل اداره :

مُشَارِقَاتُ

۱۳۲۶

انظار :

م - لکمزده موافق آثار جدیدیه مع الممنونیه قیود اول نور
 درج ایدیه بین آثار اعاده اول نور

دین ، فلسفه ، ادبیات ، حقوق و علوم دن باحث هفته لق رساله در

درسمادته نسخه سی ۵۰ پاره در

تیرله دن مقوا بورو ایله کوندریلیرسه سنوی
 ۲۰ غروش فضله آلنیر

درسمادته پوسته ایله کوندریلیرسه ولایات بدلی اخذ اولنور

تاریخ تأییدی :

۱۱ محوز ۳۲۴

مؤسسلری : ابوالعلا زین العابدین - ح - اشرف ادیب

سنه لکی الی آتافی

۳۵ ۶۵

۵۰ ۹۰

۵۰ غروشدر ۹۰

درسمادته

ولایاتده

ممالک اجنبیهده

برنجی سنه

۱۲ محرم ۳۲۷ پنجشنبه ۲۲ کانون ثانی ۳۲۴

عدد : ۲۴

خایر، هیچ تلاشه محل یوق . عوام اولمقله وجداندن، انصافدن، بوسبتون محاکمه دن محروم اوابق لازم کلمز . غرضدن، حس عداوتدن بومحاسن وحقایق دشمنانکندن پاک اولان قابلر — خواص اولسون، عوام اولسون — اصلا بویله شیلردن دوچار ضلالت اولماز . اولنره اهمیت ویره بیله جک انسانده ذره قدر انصاف، وجدان بولونماق لازم کلیر؛ بونلر ایسه ذاتاً دائرة انسانیتدن خارجدرلر .

اونک ایچون «ر. دوزی» جنابلرینک «تاریخ سلامیت» نامیله تألیف ایلدیکی اثرده عقیده اسلامییه آتقی ایستدیکی سهام ضلالت اصابت ایدم جک برقلب، بر مؤمن بوله ماز. بوندن تلاش ایدن حمیتلی مسلمانلر، انوار حقایقه روشنا اولان قابلر متسلی اولسون. مع هذا توفیق الهیهیه مستنداً رساله من طرفندن بوعراضات دلائل عقلیه وبراہین قاطعه ایله رد و جرح اوانه جقدر . تاکه حقیقت معارضلرجه اکلایسون ده اسلامیتک بویله سوزلردن؛ بویله طفلانه محاکمه لردن ذره قدر متأثر اولدینی کورولسون... ذاتاً بوتاریخک مؤانی اوقدر ظافل، اوقدر جاهلدرکه بر اثر ند: «قرآنده اسان خطالری واردر یالکز بو خطالر بالاخره مسلمانلر طرفندن قواعد صورتند تاقی ایلدی!» دیمشدر. فصاحتی، بلاغتی یازک، اغیارک حیرتتی، اعترافی جلب ایدن اویله بر کتاب مینه لسان خطالری اساندندن صیقلما یه جق بر جسور جاهلدن نه بکلسکر، یاخود نه بکله من سکر؟

مُلْأَعِظًا

محرری:

مقرری:

سیروزی ح. اشرف ادیب

منسترلی اسماعیل حق

درس - ۵۲

اعوذ بالله من الشیطان الرجیم . بسم الله الرحمن الرحیم . (واتقوا فتنه لا نصین الخ) صدق الله العظیم .

[واتقوا فتنه] ای مؤمنلر! اویله بر فتنه دن، بلا وعقوبتدن صاقینک که [لأنصین الذین ظلموا منکم خاصة] او فتنه فتنه عامه در، بلای مستولیدر؛ کله جک اولورسه جمله بی بردن حوزه عقوبته آیر، محو واضمحلال کزی موجب اولور . یالکز ظالم لک باشنه کلسه ای؛ مظلوم لرده برابر محو و یا یمال اولور . بویله بر فتنه دن صاقینک . [واعلموا] بیلک که [ان الله شدید العقاب] اللهک نه قدر رحمتی، نه قدر عنایتی، قوللرینه نه یولده لطف و سماحتی و ارسه؛ عقابی ده اونستبده شدید، عذابی ده اونستبده مدیددر . جلالی وار، جالی وار . مغرور اولمیک، جرأتکزی آرتیرمیک... بر چوق نعمت لرینه مظهر قیلدی، آتق بو حال دوام ایدم جک، دیمیک! زیرا بالکه بر نوع ابتلادر، امتحان در . اکثر نعم الهیه امتحان مقصدیله توجه ایدر . ایفای شکر ایدیلر می، ایدلمز می؟ اوکا کوره نعمت بللی اوله جق . ظاهراً نعمت، چوق کره نکبت اولور . چوق سرور و سعادت لر مبدل غموم، باعث حسرت اولور . ظاهرین اولمیک، حقیقته واقف

اولمغه چالیشک، هیچ بر شیئی سوزله یامیک . هر شیئی شریعتیه، حقیقته تطبیق ایدک . اقوالکزی افعالکزه موافق اولسون . بووجهله سلامته نائل اولورسکر .

درس سابقده بیان اولدنبی اوزره بوراده (فتنه) لفظ شریفی سبیک اسمیه مسبی قصد قیلندن اوله رق، بلا وعقوبت مناسنه در . هر حالده اسبابدن صاقینمق دیمکدر . نصل که: [وسارعوا الی مغفرة من ربکم وجنة عرضها السموات والارض] بیورلمشدر . مغفرتک اسبابنه مسارعت مطلوبدر . ربکرتک مغفرت الهیه سنه مسارعت ایدک به نعمت سبحانی سنه نائل اولک . بویله بیورر . هرشی قوشمقله، مسارعت کوسترمکه حصول پذیرا اولور . مغفرت ال ایله طوتیلور، قبضه یه کچیریلر بر شی دکل که . لسان ایله هر شیئی آرزو ایدم ز . جزئی بر قصور ایدمجه «استغفر الله» دیرز . نه دیمکدر او؟ «یاری، مغفرتی نیاز ایدم» یالکز قول هیچ بر فائده ی مفید دکل . لسان ایله برشی طلب اولورسه اوکا حقیقه طالب دیمز . طلب، ارزودر، که کوکلده در . هر شیئک طای اسبابنه نشبت ایله اولور . اللهک مغفرتنه طالب اولان اسبابی تحری ایدم جک . نصل که بیضاوی مرحوم: (الی ما یستحق به المغفرة کالاسلام والاخلاص والتوبة) بیورمش . اللهک مغفرتنه مسارعت ایدک . نه ایله مغفرتنه استحقاق کسب ایدیا یرسه آلری تحری ایله اوغراشک . مغفرتک برنجیسی دین اسلام وایماندر . هراشک اساسی اودر . [ان الله لا یغفر ان یشرك به ویغفر ما دون ذلك لمن یشاء] ثانیاً: اخلاص ایله عبادت ایتک . ثالثاً: توبه ایتک، ندامت کتیرمک... بوسبیلر بریره کلزسه مغفرت تجلی ایتز . ایشته درسمز اولان آیتده ده بویله در . فتنه دن صاقینک، یعنی بلایی موجب شیلردن، تفرقه یی موجب اوله جق، منافقانه، مزورانه بر طاقم احوال و حرکاتدن صاقینک دیمکدر . بوکادائر بعض کلمات واحادیث شریفه ایراد اولنمشدی . دها بوقیلدن چوق شیلروار، مفسر لر درج ایدیورلر . مابعدی وار احیای آثار:

مسئله

اسلامده ولید بن عبدالمملک وقتنه دک خلفایه هرکس اسمیه خطاب ایدرلردی . مثلاً: «یامعاویه، یاعبدالمملک!» دیرلردی . ملوک ایچون سائرلردن فرق و تعظیمی مشعرالقابی «ولید بن عبدالمملک» ایجاد ایتدی . بوسبیلدندرکه اولوقت خلق، ولیده «متعجب» یعنی صاحب کبر وجبروت وصفی طاقدیلر . والی الیوم تاریخلرده بو وصفله مشهر قالدی .

برکون عبدالمجید حضورنده منلاشیخی، دعاده: «شوکتلو، قدرتلو» دیرکن خان مرحوم دیدی که: «ا کر بن شوکتلو، قدرتلو ایسم دعا یه نه حاجت؟ شیخ افندی! بن برعید عاجزم، بنی عجزمله یاد ایت!» (اوکا قال)

محرراتده «عبد» و «بنده» و «قول» کبی بی معنا تعبیراتی استعمالدن نهی ایدن دخی اودر . (رحمة الله علیه)

مرحوم علی سعاوی

ابوالعلا

مطبعة اخوت